

आकाशवाणी

- लोकसभा च वक्फ संशोधन विधेयक-2025 पर चर्चा जारी।
- संसद नै प्रवास ते विदेशी नागरिक बिल-2025 पास कीता, राज्यसभा नै बी इस बिल गी पास करी दिता।
- प्रधानमंत्री नरेंद्र मोदी होर 6में बिमस्टेक सम्मेलन च शामिल होने लेई कल थमां थाईलैंड दी द'ऊं दिनें दी जातरा पर जाडन।
- टोक्यो च 7मां भारत-जपान समुंद्री सरबंधी मामलें दी गल्लबात दा आयोजन कीता गेआ। समुंद्री सुरक्षा ते मकामी सहयोग उप्पर ध्यान केंद्रित कीता गेआ।
- भारती राष्ट्रीय जरनैली शिड़क प्राधिकरण नै माली बरे 2024-25 च 5 ज्हार 150 किलोमीटर दे लक्ष्य दे मकाबले च 5 ज्हार 600 किलोमीटर शा मती राष्ट्री जरनैली शिड़क दा निर्माण कीता।
- डेढ बरे दे अंतर सब्बै रेलवे स्टेशनें पर पर्याप्त गिनतरी च सी.सी.टी.वी कैमरे लग्गडन। आखेआ रेल मंत्री अश्विनी वैष्णव होरें।

<><><><><><>

Waqf

लोकसभा च वक्फ संशोधन विधेयक 2025 पर चर्चा होआरदी ऐ। संयुक्त संसदीय समिति इस विधेयक गी पैहले गै मंजूर करी चुकी दी ऐ। केंद्री अल्पसंख्यक मामलें दे मंत्री किरेंन रिजिजू होरें इस विधेयक गी पेश कीता। रिजिजू होरें आखेआ जे परामर्श प्रक्रिया सब्भनें थवां लम्मी ऐ। 92 लक्ख 27 ज्हार याचिका ते जापन दस्ती ते

ऑनलाइन सरिस्ते राहें हासिल होए न। उनें आखेआ जे 284 प्रतिनिधिमंडल जेदे च 25 राज्यें ते केंद्र शासित प्रदेशें दे वक्फ बोर्ड बी शामिल न, अपने विचार सांझा कीते। मंत्री होरें आखेआ जे बिल वक्फ संपत्तिएं दे प्रबंधन गी बेहतर करने लेई ऐ।

<><><><><><><><>

RS-Immigration Bill

संसद च प्रवास ते विदेशी नागरिक बिल 2025 अज्ज राज्यसभा च चर्चा मगरा पास करी दिता गेआ। विधेयक दा मकसद प्रवास कनूनें दा आधुनिकीकरण करना ऐ। इस च केंद्र सरकार गी पासपोर्ट, जातरा दस्तावेज, वीजा ते पंजीकरण दे सरबंधें च किश शक्तियां प्रदान करने दा प्रावधान ऐ। गृह राज्य मंत्री नित्यानंद राय होरें राज्यसभा च विधेयक पेश कीता। इसी लोकसभा पैहलें गै पासी करी चुकी दी ऐ। चर्चा दी शुरुआत च कांग्रेस दे अभिषेक मनु सिंधवी होरें प्रवास ते विदेशी नागरिक बिल 2025 दा बरोध करदे होई इस च किश महत्वपूर्ण बदलाव दी मंग कीती। उनें आखेआ जे एह बिल विदेशियें दे मूल ते मौलिक अधिकारें दा उल्लंघन करदा ऐ।

<><><><><><><><>

Eklavya-School

केंद्र नै देशभर च 728 एकलव्य मॉडल आवासीय विद्यालय खोलने दा लक्ष्य रक्खेआ ऐ जिस कन्नै अनुसूचित जनजाति दे कोई साइटे त्रै लक्ख विद्यार्थियें गी लाह होग। हुनै तोड़ी देश भरै च कुल 721 विद्यालय मंजूर कीते गेन। इन्दे चा 477 विद्यालय चला करदे न। राज्यसभा च 1 लिखित परते च जनजातीय मामलें दे राज्यमंत्री दुर्गादास उड्यके होरें आखेआ जे जनजातीय बच्चें गी उन्दे अपने परिवेश च पढ़ने लेई 2018-19

च केंद्री खेतर दी योजना दे रूपै च एकलव्य माडल आवासीय विद्यालयें दी शुरूआत कीती गई ही। मंत्री होरें इस गल्ला पर लो पाई जे सरकार जनजातीय विद्यार्थियें गी डिजिटल ते कौशल आधारित शिक्षा तोड़ी पुज्ज प्रदान करने लेई होरने सरकारी निकाएं कन्नै रलियै कई उपाएं गी लागू करा'रदी ऐ।

<><><><><><><>

PM-Thailand Visit

प्रधानमंत्री नरेंद्र मोदी होर कल थमां थाईलैंड दी दऊं दिनें दी जातरा पर जा'रदे न। ओह उथे 6में बिमस्टेक सम्मेलन च शामिल होंगन। 2019 ते 16 मगरा एह प्रधानमंत्री नरेंद्र मोदी हुंदी थाईलैंड दी त्री जातरा ऐ। दौरै दौरान प्रधानमंत्री होर थाइलैंड दे अपने हमरूतबा Paetongtarn Shinawatra हुंदे कन्नै गल बैंकाक च दक्खी गल्लबात करंगन। दक्खी रिश्ते दे पूरे-पराते परिदक्ख दी प्रगति दा जायजा लैता जाग ते भारत थाईलैंड सांझ-भ्याली गी गति देने पर चर्चा कीती जाग ते बहुपखी ते मकामी मुद्दें पर विचार बटांदरा कीता जाग।

<><><><><><><>

India Japan Dialouge

अज्ज जपान दे टोक्यो च 7मां भारत जपान समुंद्री मामलें दे संवाद दा आयोजन कीता गेआ। संवाद दरान दौनें पक्षें समावेशी विकास ते वैश्विक भलाई-बेहतरी लेई सुरक्षित समुंद्री माहौल बनाई रक्खने दे तरीकें बारे गल्लबात कीती। उनें समुंद्री खेतर च जारी सहयोग सरबन्धी पहलकदमियें ते व्यापक समुंद्री सुरक्षा लेई अंतरराष्ट्री ते खेतरिय तंत्रें गी मजबूत करने दे बता दी समीक्षा कीती। दौनें पक्खें समुंद्री जागरूकता गैर कनूनी

समुंद्री गतिविधियें दा मकाबला करना, क्षमता ते विकास निर्माण गतिविधियें जनेह खेतरें च अपने सांझे जल्नें गी होर मजबूत करने पर बी सहमति जताई। भारतीय प्रतिनिधिमंडल दी अगुवाई अंतरराष्ट्रीय सुरक्षा मामलें दे संयुक्त सचिव Muanpuii Saiawi ते जपान प्रतिनिधिमंडल दी अगुवाई Deputy Director General Asian ते Oceanian Affairs Bureau Kashiwabara yutaka होरें कीती।

<><><><><><>

India-Navy Signed

भारतीय नौसेना नै अज्ज 6 मेगावाट क्षमता राहें गति दे समुंद्री डीजल इंजन दे डिजाइन ते विकास लेई मेक-1 श्रेणी तैहत परियोजनां मंजूरी आहला आदेश पर दस्तखत कीते। एह समझौता नमीं दिल्ली च किरलोस्कर आयल इंजन्स लिमिटेड कन्ने कीता गेआ ऐ। इस समझौते तैहत 50 फीसद शा मते स्वदेशी सामग्री आहले प्रोटो टाइप डीजल इंजन दा विकास 270 करोड़ रपे दी लागत कन्ने कीता जाग। एहदे च 3 शा 10 मेगावाट डीजल इंजन लेई विस्तृत डिजाइन दा विकास बी शामिल ऐ।

<><><><><><>

PM-Pradhanta Article

प्रधानमंत्री नरेंद्र मोदी होरें अज्ज आखेआ जे राश्ट्री शिक्षा नीति 2020 देश दा बौद्धिक पुनजागरण ऐ। उनें आखेआ जे नमीं शिक्षा नीति वैश्विक स्तर पर शिखा ते नमियें काड्डें राहें आत्मनिर्भर ते मकाबलेबाजी राश्ट्र दी बत पदरी करा'रदी ऐ। श्री मोदी होरें केंद्री शिक्षा मंत्री धर्मेन्द्र प्रधान दे इक समाचार पत्र च लिखे दे लेख गी सांझा करदे होई

एह गल्ल आकखी। लेख च पिछले इक दाहके च भारत दे शिक्षा खेतर च होए दे बदलाव
उप्पर लोs पाई गई।

<><><><><><><>

Manpower Gem

माली बरे 2024-25 च डिजिटल स्तरीय प्लेटफार्म गौरमेंट ई-मार्केट प्लेस राहें 10
लकख शा मते लोकें गी कम्म उप्पर रक्खेआ गेआ। जेम दी उपलब्धि पर मुख
कार्जकारी निदेशक अजय भादू हों आखेआ जे इस प्लेटफार्म नै डिजिटल क्षमताएं दा
इस्तेमाल कीता ऐ ते प्रशासन दे बक्ख-बक्ख स्तरें पर सरकारी खरीदारें आसेआ जरूरी
सबबै संभावित सेवाएं लेई वन स्टॉफ शाप दे रूपै च उभरेआ ऐ। उनें आखेआ जे मानव
श्रम आउटसोर्सिंग सेवा ना छड़ा सरकारी संगठनं लेई भर्ती प्रक्रिया गी सौक्खा बनांदी ऐ
बल्के व्यापक सेवा स्तर समझौते राहें सबबै पखें लेई कनूनी अनुपालन गी बी यकीनी
बनांदी ऐ। जेम च 33 जहार शा मते सेवा प्रदाता न जेड़े खरीदारें गी न्यूनतम मंजूरी ते
निश्चित पारिश्रमिक सने बक्ख-बक्ख मानदंडें दे आधार पर मानव श्रम गी कम्म पर
लाने च सक्षम बनांदे न।

<><><><><><><>

NHAI

भारतीय राष्ट्रीय राजमार्ग प्राधिकरण नै माली बरे 2024-25 च 5 जहार 150
किलोमीटर दे लक्ष्य दे मकाबले च 5 जहार 600 किलोमीटर शा मते राष्ट्रीय राजमार्ग
दा निर्माण कीता ऐ। शिड़क यातायात ते जरनैली शिड़क मंत्रालय नै अजज आखेआ जे
राष्ट्रीय जरनैली बुनियादी ढांचा विकास लेई पूंजीगत खर्च 2 लकख 40 जहार करोड़ रपे

दे लक्ष्य दे मकाबले अस्थाई रूपै नै दऊं लक्ख 50 जहार करोड़ रपे शा मते दे हून तोड़ी दे उच्च स्तर पर पुज्जी गोआ। पिछले माली बरे 2023-24 दे मकाबले च समग्र पूंजीगत खर्च च कोई 21 फीसद ते माली बरे 2022-23 दे मकाबले च कोई 45 फीसद दा बाददा होआ ऐ।

<><><><><><>

LS-Railway

रेल मंत्री अश्विनी वैष्णव होरें आखेआ ऐ जे डेढ बरे दे अंदर सब्बै रेलवे स्टेशनें पर पर्याप्त गिनतरी च सी.सी.टी.वी कैमरे लगंगन। प्रश्नकाल दौरान जिमनी सुआलें दा परता दिंदे होई श्री वैष्णव होरें आखेआ जे देश दे बक्ख -बक्ख हिस्सें च रेलवे स्टेशनें पर सीसीटीवी कैमरे लाने दा कम्म जारी ऐ। महिला सुरक्षा पर उनें आखेआ जे भारती रेलवे नै महिलाएं दी सुरक्षा लेई केईं गैंs पुट्टियां न। उनें दस्सेआ जे हर डिविजन जोन ते रेलवे बोर्ड च वार रूम बी बनाए गेन जेदे जरिये स्टेशनें पर लगातार तक्क रक्खी जा'रदी ऐ। उनें आखेआ जे रेलवे सुरक्षा बल च 9 अशारिया 4 फीसद कर्मचारी महिला न। श्री वैष्णव होरें दस्सेआ जे पूर्वोत्तर, हिमाचल प्रदेश, केरल सने हर राज्य गी बन्दे भारत ट्रेन सेवा मुहैया कराई गई ऐ। उनें आखेआ जे इस बरे 31 मार्च तोड़ी देश च 136 बंदे भारत ट्रेनां चला'रदियां न।

<><><><><><>

Chili-President

चिली दे राष्ट्रपति Gabriel Boric Font होरें जोर दिता ऐ जे बहुपखवाद दी दुनिया लेई भविक्ख दी बत ऐ। चिली दे भारत बश्कार सरबंधें पर आधारित 53 सप्रु हाउस

व्याख्यान चिली ते भारत ग्लोबल साउथ च संबोधित करदे होई राष्ट्रपति फांट होरें आखेआ जे चिली भारत दे कन्नै सांझेदारी दा विस्तार करना चाहंदा ऐ कीजे दपक्खी सहयोग लेई इक्क बड्डा मौका ऐ। उनें आखेआ जे भारत चिली विदेश नीति च इक प्राथमिकता ऐ। उनें आखेआ जे चिली म्हेशां यू.एन सुधारें दी वकालत करदा ऐ।

<><><><><><><>

India-Chili Waves

भारत नै चिली गी वेक्स 2025 लेई साद्दा दिता ऐ। एह कार्यक्रम 1 शा 4 मई तोड़ी मुम्बई च आयोजित कीता जा'रदा ऐ। सूचना ते प्रसारण राज्यमंत्री डॉ. एल मुरुगन होरें कल नर्मी दिल्ली च चिली दी संस्कृति, कला ते धरोहर मंत्री कैरेलिना अरेडोन्डो कन्नै मुलाकात कीती। डॉ. मुरुगन होरें वेक्स 2025 लेई साद्दा दिता ते सुश्री अरेडोन्डो होरें गी भारती मूर्तिकला गी दर्शादी इक पेंटिंग भेंट कीती। दौनें मंत्रियें भारत चिली सांस्कृतिक सहयोग गी मजबूत करने, कला ते विरासत च सहयोग बदाने ते दपक्खी सरबंधों गी होर दूंगा करने दे तरीकें पर चर्चा कीती।

<><><><><><><>

GoC-Visit

व्हाईट नाइट कोर दे जीओसी लेफ्टिनेंट जनरल पी.के मिश्रा होरें राजौरी सैक्टर दा दौरा लाया ते खिते दी सुरक्षा स्थिति दा जायजा लैता। उनें चुनौतीपूर्ण हालात च पेशेवराना रवैये अपनाई रखने लेई बलें दी सराहना कीती। व्हाईट नाइट कोर दे जीओसी ते Insurgency force दे जीओसी होरें मुख्यालयें दा दौरा लाया ते खिते दी मौजूदा सुरक्षा स्थिति दा आंकलन कीता। जीओसी होरें आतंकवाद रोधी अभियानें च साबका फौजिएं दे

सहयोग दी बी सराहना कीती। उन्दा एह दौरा पाकिस्तानी बलें आसेआ कीती गेदी संघर्ष विराम दी खलाफवर्जी पुंछ जिले आहली कब्जा रेखा कन्नै लगदे इलाकें च बरूदी सुरंग दा विस्फोट दे मगरा होआ ऐ। तोआई, कठुआ जिले च चला'रदे आतंकवाद रोधी अभियान गी होर व्यापक बनांदे होई राजौरी जिले च बी तपाशी अभियान शुरू करी दिता ऐ। सुरक्षाबलें राजौरी जिले दे सीया बदरेई इलाके च व्यापक तपाशी अभियान रम्भ कीता ऐ। जम्मू-कश्मीर पुलस केंद्रीय रिजर्व पुलस बल ते सेना आसेआ जंगली इलाके च तपाशी अभियान चलाया जा'रदा ऐ। बले आसेआ जंगलें ते खानाबदोश लोकें दे खाली घरें च तपाशी कीती जा'रदी ऐ।

<><><><><><><>